

Зональн парторганизацин көдлмшин дамшлтас

Мало-Дербетовск МТС-н ме-
длд „Путь к Коммунизму“ болн
Ильичин нертэ колхозмуд бää-
нэ. Колхозмуд тал партийн
гардвр өдртххин төлэ эн МТС
деер партийн баг бүрдэгдсн.

1955 джилд мана баг гархд,
эн колхозмудин болн МТС-н
көдлмшн ик сул болсн учрар
КПСС-н райком эврәннь шиид-
врэр МТС-н эклц парторгани-
зацин сеглэтр үр И. И. Коз-
ловиг көдлмшэснь султхла,
МТС-н директориг партичлен-
нэс, членэ. кандидатд буулгъ-
ла.

1955—1956 джилмүдин үвлин
хөбт бийднь колхозмудин кө-
длмш дегд му болсн учрар
колхозникуд, нег үлү хөбчнр,
чидлдэн иидгэн уурад, талдан
газрур гарлдад бääв. Эн учрар
бидн көдлмшиг оньгдарулдж,
олн амтн дундцээлгвэриг де-
лгрүүлгэһэс эклввдн. Активлэ
сэн көдлмш кедж, бригадир-
мүдин, МТФ болн ОТФ гар-
ддж йовх улсин даалгвэринь
өбдлүлхин төлэ көдлмш дел-
грүүлвдн.

Партийн баг көдлмшэн онь-
гдарулад, гардвран ясрулсна
ашднь урднь зурагъан эс кү-
цэдг МТС, 1956 джилин хав-
рин тэрэнэ көдлмшэн 131 про-
цент күцэв, 60 тонн горюч
ярвлв, 150 миньгын арслнъга
машид ясхд кергтэ запчастьс
ярвлв. МТС колхозмудла хам-
дан 120 миньгын центнер өвс
белдв, 1955 джилинэр болхла
эн 3 холван ик болв. 1955
джилинэр болхла хойр холван
ик ургэц авб.

Эврэ трактористнр хятэр
болад, энд-тендэс ирдж көдл-
жэсн трактористнр йовдж
одад бээдг учрар, 1956 джи-
лин намр партийн багин селв-
гэр, МТС 3 сара тракторист-
нрин курс секэд, тер курст
эврәннь колхозникуд сургъад,
3 сарин эргцд 40 трактористнр
белдв. Эврэ колхозникудасн
трактористнр белдснэ ашднь,
трактормуд хойр селгэгэр
көдлдг теткгдв.

Колхозмудин болн МТС-н
партийн хург болсн цагт эр-
кэн уга КПСС-н райкомин
зональн сеглэтр, эс гидж ин-
структор орлсна. Хургт күүн-
дх төрмүд урдаснь белдгднэ.
Зональн партийн баг, урднь
олзлгадад уга эв-аргь олдж
көдлмшт орулхд ик оньган
тусхана. Үлгүрн, нидн джил
„Путь к коммунизму“ кол-
хозин ах хөбчнр Бутенко

Н. И., Лопатин, Чернявский
эди эврәннь чидлэр үвд күрх
малин хот белднэвдн гидж
бийдэн даалгвэр авцхав. Эн
селвэриг ик чинртэгэһинь тоо-
лад, зональн партийн баг та-
лин колхозмудар тархав.

Партийн багин селвгэр, яс-
врт орх зөвтэ трактормудин
бэралинэ өмнэснь цуцдж, яма-
ран ясвр кергтэгэһинь толр-
халдж медж авдг дамшлт
МТС олзлв. Эн учрар белдвр
сээнэр кегдв, МТС запчасть
эртэснь белддж авб. Энүнэ
ашднь 1957 джилин февралин
20-д трактормуд ясгддж дуу-
сгдв. Февраль сарас авн ода
күртл КПСС-н райкомин бю-
ро, дамждж өггдг Улан ту-
гиг сар болгын эн МТС-д,
көдлмшэрн сэн диилвр күц-
сиднь үлдэггэд бээнэ.

Мало-Дербетовск МТС болн
терүнэ медлд бээдг колхоз-
муд селэнэ эдл-ахун эн джи-
лэ көдлмшэн болзгань күцэ-
джэцхэнэ. Ода деерэн өвс
белджэнэ, силос булджана.

Партийн баг өвс белдлгэнэ
көдлмшиг шулудулхин төлэ
месячник зарлв. Эн месяцник
болдж йовх өдрмүдт МТС,
колхозмудин болн талдан чигн
организацин амтсиг воскрес-
ник келгэнд өргнэр орцулв-
вдн. Воскресникин замд үс-
туршдан 8149 центнер өвс
овалгдв, эн тоогъас МТС
көдлэчнр 4799 центнер овалв.
Онц сээнэр көдлсн Жидкон,
Убушевн, Бавадуовин,
нань чигн улсин бригадс.

Зональн партийн баг эклц
парторганизацила хамдан олн-
дундин политическ цээлгвэрин
көдлмш делгрүлсн төлдэн
күч-көлснэ диг-даран өбдлүл-
гдв, олн колхозникуд кеджэх
көдлмштэн шунлтта болцхав.
Эн джилин январь сарас эклэд
колхозникудт сар болгын 5
арслнэ мөнэгэр аванс күч-көл-
снэ өдр болгэнд өггдг болв.

Ода партийн баг олн комму-
нистнрлэ хамдан социалисти-
ческ дөрлдэ делгрүлэд, улм
цааранднь хөбнэ бслт элвэхмн,
хөбнэ тоог 1960 джилд 115
миньгын толгъа күргхмн, амн
болгъна тоод мах, тос болн
үс гаргылгэр Америкн Сое-
динени Штатсиг өбрхн джил-
мүдин эргцд күцэдж авхмн гисн
төриг күцэхэр көдлмшэн ке-
джэнэ.

В. С. БУТЕНКО,

КПСС-н райкомин Мало-Дербе-
товск МТС-н зона сеглэтр.